

BOSNA I HERCEGOVINA
FEDERACIJA BOSNE I HERCEGOVINE
INSTITUT ZA MEDICINSKO VJEŠTAČENJE
ZDRAVSTVENOG STANJA
Branislava Đurđeva 12 Sarajevo

PRAVILNIK
O POSTUPANJU INSTITUTA ZA MEDICINSKO VJEŠTAČENJE
ZDRAVSTVENOG STANJA U POSTUPKU UTVRĐIVANJA I
REVIZIJE RADNIH MJESTA NA KOJIMA SE STAŽ OSIGURANJA
RAČUNA SA UVEĆANIM TRAJANJEM

Sarajevo, mart/ožujak 2020. godine.

Na osnovu člana 33. Zakona o mirovinskom i invalidskom osiguranju (Sl. novine FBiH 13/18), člana 6. stav (5) Pravilnika o radnim mjestima na kojima se staž osiguranja računa sa uvećanim trajanjem, postupku utvrđivanja i postupku revizije radnih mjesta na kojima se staž osiguranja računa sa uvećanim trajanjem (Službene novine FBiH 26/19 i 13/20), prema ovlastima iz člana 14. Zakona o osnivanju Instituta za medicinsko vještačenje zdravstvenog stanja, ("Službene novine Federacije Bosne i Hercegovine", broj: 70/07, 26/14 i 40/18), i člana 20. Pravila Instituta za medicinsko vještačenje zdravstvenog stanja ("Službene novine Federacije Bosne i Hercegovine", broj: 38/08), Upravni odbor Instituta za medicinsko vještačenje zdravstvenog stanja na 31. redovnoj sjednici dana: 04.03.2020. godine u Sarajevu donosi:

PRAVILNIK

O POSTUPANJU INSTITUTA ZA MEDICINSKO VJEŠTAČENJE ZDRAVSTVENOG STANJA U POSTUPKU UTVRĐIVANJA I REVIZIJE RADNIH MJESTA NA KOJIMA SE STAŽ OSIGURANJA RAČUNA SA UVEĆANIM TRAJANJEM

Član 1.

Ovim Pravilnikom se sukladno članu 6. stav (5) *Pravilnika o radnim mjestima na kojima se staž osiguranja računa sa uvećanim trajanjem, postupku utvrđivanja i postupku revizije radnih mjesta na kojima se staž osiguranja računa sa uvećanim trajanjem* („Službene novine Federacije BiH“ broj 26/19 i 13/20) uređuje obujam, postupak ili procedure, cijena i druga pitanja vezana za davanje potvrde odnosno suglasnosti na Analizu i mišljenje o ispunjenosti uvjeta za utvrđivanje radnih mjesta na kojima se staž osiguranja računa sa uvećanim trajanjem, odnosno postupku revizije radnih mjesta na kojima se staž osiguranja računa sa uvećanim trajanjem.

Član 2.

- (1) Institut za medicinsko vještačenje zdravstvenog stanja (u daljnjem tekstu „Institut“) daje potvrdu odnosno suglasnost na dostavljenu Analizu i mišljenje, sačinjeno od strane stručne ovlaštene organizacije ili institucija predviđena propisima iz oblasti zaštite na radu ovlaštena od strane nadležnog ministarstva Federacije Bosne i Hercegovine.
- (2) U navedenom postupku Institut sudjeluje samo davanjem potvrde odnosno suglasnosti na dostavljenu Analizu i mišljenje, a uzimajući u obzir prikupljene podatke navedene Analizi i mišljenju u skladu sa članom 6. stav (2) *Pravilnika o radnim mjestima na kojima se staž osiguranja računa sa uvećanim trajanjem, postupku utvrđivanja i postupku revizije radnih mjesta na kojima se staž osiguranja računa sa uvećanim trajanjem* („Službene novine Federacije BiH“ broj 26/19 i 13/20).

Član 3.

- (1) Postupak procedure davanja potvrde odnosno suglasnosti kod Instituta, započinje dostavljanjem Analize i mišljenja od strane stručne ovlaštene organizacije ili institucije predviđena propisima iz oblasti zaštite na radu i to prema sjedištu Instituta.
- (2) Nakon zaprimanja Analize i mišljenja ista se dostavlja prema Odjeljenju za prvostupanjski postupak Instituta i to prema mjestu sjedišta poslodavca (podnositelja zahtjeva), odnosno samom mjestu rada radnog mjesta za koje je podnesen zahtjev za utvrđivanje, a radi pregleda i proučavanja Analize i mišljenja od strane liječnika vještaka koji obavlja ocjene radne sposobnosti.
- (3) Uz dostavljenje Analize i mišljenja, direktor Instituta može, posebnim internim aktom, odrediti liječnika vještaka koji ima najveće iskustvo u ocjeni radne sposobnosti, da izvrši pregled i proučavanje Analize i mišljenja.

Član 4.

- (1) Nakon što liječnik vještak koji obavlja ocjenu radne sposobnosti iz stava (2) ili (3) člana 3. ovoga Pravilnika, izvrši detaljan pregled Analize i mišljenja dužan je sastaviti pismeni akt u sklopu kojega daje suglasnost i svoje mišljenje na dostavljenu Analizu i mišljenje, odnosno izjavljuje da ne može dati suglasnost na Analizu i mišljenje i daje drugačije mišljenje.
- (2) Liječnik vještak je dužan obrazložiti zašto se daje suglasnost, odbija suglasnost i daje drugačije mišljenje, a uzimajući u obzir cjelokupne podatke iz Analize i mišljenja.
- (3) Pismeni akt iz stava (1) ovoga člana, se ovjerava potpisom i pečatom liječnika vještaka i pečatom Odjeljenja u kojem je isti zaposlen, te se vraća u sjedište Instituta.

Član 5.

U postupku davanja potvrde odnosno suglasnosti uzimaju se obzir kao relevantni podaci prikupljeni i navedeni u Analizi i mišljenju stručne ovlaštene organizacije ili institucije, dok se mišljenje i prijedlog stručne ovlaštene organizacije ili institucije uzima u obzir, ali bez obaveze suglasnosti na isto, odnosno s mogućnošću davanja drugačijeg mišljenja.

Član 6.

Nakon završetka postupka, Institut dostavlja Analizu i mišljenje ovlaštenoj stručnoj organizaciji uz prilaganje suglasnosti na dostavljanu Analizu i mišljenje ili drugačijeg mišljenja liječnika vještaka koji obavlja ocjenu radne sposobnosti.

Član 7.

- (1) Cijena usluga Instituta za sudjelovanje u postupku je utvrđena važećim Cjenovnikom usluga medicinskog vještačenja zdravstvenog stanja prema iznosu koji je propisan za uslugu ocjene radne sposobnosti, a odnosi se na davanje suglasnosti za jedno radno mjesto.
- (2) Uslugu Instituta, odnosno cijenu navedenu u stavu (1) ovoga člana snosi stručna ovlaštena organizacija ili institucija po čijem zahtjevu Institut postupa u pogledu potvrde odnosno suglasnosti.

Član 8.

Na sva pitanja koja nisu uređena ovim Pravilnikom primjenjuju se važeći zakonski i podzakonski propisi, važeći Pravilnik o kriterijima i postupku medicinskog vještačenja zdravstvenog stanja kao i interni akti Instituta.

Član 9.

Ovaj Pravilnik stupa na snagu danom donošenja i objavit će se u prostorijama Instituta i svih Odjeljenja, kao i internet stranici Instituta, te neposredno dostaviti svim liječnicima vještacima i svim stručnim organizacijama ili institucijama ovlaštenim za izradu Analize i mišljenja u postupku utvrđivanja i revizije radnih mjesta na kojima se staž osiguranja računa sa uvećanim trajanjem.

U Sarajevu dana 04.03.2020.godine

Broj: U.O. 01-351/32-1/19



PRED. UPRAVNOG ODBORA

mr.sc Kenan Spahić